

Rizumu di Prupóstas di Alterason a Zoniaméntu pa Stabelesiméntus di Kanábis (padjinha)

Un kanpanha di Votason di 2008 na Massachusetts diskriminaliza pósi di pikénus kuantidadi di padjinha, dipos un otu inisiativa di votason di 2012 pirmiti pa stabelesiméntus ki ten lisénsa pode bende prudutus di kanábis pa adultus pa uzu médiku (ku autorizason di médiku). Dipos, na 2016, un inisiativa di votason, ki txoma *Question 4* y ki orienta Lijislatura di Stadu pa pirmiti bénda di prudutus di kanábis pa uzu rikriativu di adultus, ganha maioria di vótu. Kes dos priméru stabelesiméntu di bénda di prudutus di kanábis pa uzu rikriativu di adultus na Massachusetts abri na 2018.

Kumison di Zoniaméntu di Kámara Munisipal di Boston priméru dekreta zoniaméntu pa konsidera lugaris ki ta bende padjinha midisinal un Uzu Kondisional na sub-distritus di zoniaméntu kumersial y industrial. Más tardi, es zoniaméntu foi substituídu pa "*Cannabis Establishment*" (Stabelesiméntus di Kanábis), tratandu tudu uzu rilasionadu ku kanábis (kultivu, prusesaméntu, armazenaméntu, bénda y distribuison) di mésmu manera. Na 2019, Konselhu di Kanábis di Boston foi kriadu pa dizenvolve rigulaméntus y prusidiméntus pa avalia pididus di lisensiaméntu di stabelesiméntus di kanábis y garanti rigulamentason ekuitativu d'es setor na Boston.

Atualmenti, sta 12 stabelesiméntu di kanábis na Boston, y es tudu tivi ki pidi un alíviu di zoniaméntu na Konselhu di Rikursus di Zoniaméntu Y lisensiaméntu na Konselhu di Kanábis di Boston (mutu más n'algun fázi di prusésu di lisensiaméntu). Kes prusésu disnisiáriu la dja aumenta ténpu, dispézas y insertézas di lisensiaméntu, y es ta afeta disrupursionalmenti kes rikirenti ku ménus rikursu, sima kes pikénus inprezáriu lokal y rikirentis "di ekuidadi", má es ka ta nisisáriamenti pruzuzi midjoris rizultadu.

Pa kuriji es situason, Kámara Munisipal di Boston dja rikumenda pa altera Kódigu di Zoniaméntu pa trata Stabelesiméntus di Kanábis di mésmu manera ki uzus a retalhu ta tratadu, Pirmitidu na sub-distritus kumersial y inprezarial, má kontinua Proibidu na sub-distritus rizidensial. Prusésu pa konsigi alíviu di zoniaméntu atravês di Konselhu di Rikursus di Zoniaméntu bira redundanti pur kauza di prusésu y rigulaméntus di Konselhu di Kanábis di Boston, purisu dja txiga óra pa ilimina es izijénsia di ZBA.